

YAA GIDAA'DO

- 1.1 Annaboo'en karaama fuu ngeedanaama,
 2. Bajjo darajaaji mabbe fuu mobdanaama,
 3. Goddi darjaaji duddi go heeroraama,
 4. Yaa Gidaado yesoobe maa tampinaama,
 5. Ushru mantooje maada koo ushroyaama.
- 2.1 Ngam fa darajaaji maa buri gabbe lesdi,
 2. Koo cowoo maa coweeji beydoobe besdi,
 3. Hakko mantoobe manta haa njaara kaddi,
 4. Ganda mantoore maada darnaama haddi,
 5. Sey mi mem aywa naa wi'e fassiraama.
- 3.1 Bandu maada ngari mo tagle fu mobdi,
 2. Ruuhu maada kamaala fu kam bo jeedi,
 3. Sirri maa seyni Allah tan anndi winndi,
 4. Cappi mantoobe njawtataa dum be anndi,
 5. Sirri maa yawtoyii wi'e sappoyaama.
- 4.1 Allah mantiimo mantimo dow Ishaara,
 - 2 Ton he defte de jippi non omtu ndaara,
 3. Allah tan anndi sirri on dow Ibaara,
 4. Waa ibaaraaji haadisi waa Ishaara,
 5. Daagi umroore Allah daa jeedoyaama.
- 5.1 Allah noddi to muumini koo yo moomo,
 2. Naata laawol salaatu maada yo duumo,
 3. Yeetoyoo tinndinooje maada he hiimo,
 4. Allah Umri no mantedaa yimbe ummo,
 5. Naata mantoore maada ngam umroyaama.